



10807

金華詩錄卷三十二

明十三

姜良翰

良翰字希申金華人八歲能屬文嘉靖七年鄉
舉第一時方弱冠二十三年登進士第授南評
事擢禮科給事中出叅廣藩以母憂歸起復補
山東會登萊洵饑吏督逋賦急民變殺部邑佐
良翰為安撫之遷閩臬又值兵變犯屯田道大
譁倉猝無所措良翰挺身出諭乃散歸營轉廣
東右轄以父憂歸不復出家居十二年卒有詩

明

金華詩錄卷三十二

文集三十卷

集不存僅於金華詩粹得五絕二首言短韻長味之不盡令人有全豹之恨

題畫

小築近青山梅花繞茆屋悠然明月中長嘯倚筇竹

過釣臺

何來一片雲覆此雙釣石不見垂竿人空江映秋碧


馮熊

熊字伯祥金華人七歲能詩嘉靖二十三年登
進士第除工部主事歷廣州知府

題扇

七歲作

老人坐竹下一水不知春燕子自來往何須問主人



無題二首

夜擁菱荷衣夢入蓬萊島香風送我過羅浮江月曉
披衣臥月明潛聽江南弄未會美人心和衣不成夢

徐文通

文通字汝思永康人從學于湛若水又以能詩
名爲王世貞所知嘉靖二十三年登進士第歷
官山東按察副使恤刑四川多所平反上疏乞
宥積逋一切祖父遺孽年遠追逋之犯俱與省

釋民戴其德有徐汝思集

疏略云臣奉命慮囚西蜀竊見
追贓人犯父子代兒死弟代

宗死族代叔死姪代義男代家長族婦代尸丁動千百計監數十年或
編髻而囚三尺之刑或垂白而羅程楛之慘或繁寡而受械繫之辱身

明

金華詩錄 卷三十一

一

無完衣體無完膚若類鬼幽無望人世其爲冤苦所不忍言巴蜀之地
山石居多生計甚微贓逋之民亦惟巴蜀爲多臣嘗之臨邛臨邛沃野
非山田之比乃至春乏耕農田多蕪蕪一望無際百里卽墟民之流亡
膏腴如此至於山谷荒窺可知其故何也山上因於旱虐派辦廣於戶
工盜賊繫於征役邊運疲於轉輸是以田空存而糧不減人多亡而賦
如昨窮苦無聊上信他省議按律例除贓數太多監追未久正犯尙存
家產未絕者無敢濫開外今釋其情尤可憫者并事犯絀白贓數多寡
監追年月久近開具奏聞伏望聖明憐察勅下法司再加詳議寬而赦
之 王元美云徐汝思如
初調鷹見擊鷲故難獲鮮

驅車行二首

征鴻啖寒霜涼風動秋草整車下河流河水漫漫浩浩行
人事邊陲妻子不顧保指途惟朔方仗劍對蒼昊仰觀
列宿高俯聽清砧老封侯命在天致身願惟蚤何時縛

名王歸馬長安道

械械秋風動駕言遠行遊所遊匪京洛燕塞試吳鉤良
家多馳獵驅馬擁道周眷言同懷子樽酒立淹留周周
豈銜羽嚶嚶敢顧迷白璧畱自寬明珠暗相投執手河
梁晚飛檄不自由

岱宗

岱頂凌霄十八盤中原蕭瑟思漫漫振衣日觀三秋曙
倚劍天門六月寒風雨黃河通瀚海星辰紫極近長安
小臣願獻蓬萊頌聞闕高懸謁帝難

秋日同王元美登蓬萊閣二首

起草明光漢近臣三齊心跡共風塵天邊蓬鬢逢秋色

明

金華詩錄卷三十一

三

海上清樽對故人末路黃金誰得問中原白羽自堪論
南夷重譯何年事擬共銷兵慰紫宸

高閣凌虛大海開秋風蕭瑟逐人來波濤起接兵戈氣
鴻雁飛添鼓角哀倚劍中原雙對酒放歌萬里一登臺
浮雲何計收西北悵望京華首重回

送俞憲使之湖省

紫省多年並海濱駢駢何處動征輪楚天舊識乘驄客
湘水重逢作賦人雲外帝星雙闕曉樽前黃鶴十洲春
懸知別後能相憶爲向襄陽覓隱淪

汝思七律是
王季社中語

元諭字伯啓浦江人嘉靖二十六年登進士第
除工部主事尋轉郎中與嚴嵩婿袁應樞忤楊
繼盛以劾嵩死元諭爲文以哭嵩銜之左遷常

州通判歷守吉安桂林永昌咸以清白著聞擢
雲南憲副有逢底浮談詹詹集

伯啓居官之日家積餘
租悉以周族之貧之及
不能娶者羅念菴鄒東
郭甚禮重之見郡志

雜詩

鬱鬱北山松亭亭南山柏密葉四時青孤榦干仞直朝
有浮雲棲暮爲飛鳥宅翩爾翻清風未願託深澤太廟

需瓌材重巖走匠石懿此斲以遷萬里登王國抗梁飛

明

金華詩錄 卷二十一

四

雄虹作柱峙文鴉藻繡發朱丹渥彩流金碧豈不愈山

中山中良自適

擬古之作雖乏
勁骨妙合雅裁

漁父詞

秋至潭水澄菰蒲自回互之子理絲綸孤舟釣煙霧鼓
櫂清風至浩歌明月吐所樂不在漁澹然滄洲趣

山行作

浮雲鑲山腰不見山上路下馬牽垂簾漸入雲深處
雲去山長青雲來山長白雲浮日相隨未是青山客
仰面望山巔飛雲斷還續陟巔不見雲雲在山之麓

心遠亭

結亭俯人寢青山遙映帶客心遊冥冥更在青山外詩小

興趣頗長
妙有寄託

鄭本立

本立字充道蘭谿人少從凌瀚學沉潛簡默不
妄與人交嘉靖三十六年登進士第授蘇州推
官擢御史歷太僕寺少卿乞歸構逸老堂以著

述終焉自號東泉居士有有斐亭集東泉逸老堂記
略云東泉居士

未五十而投老既五十成此堂曰逸老夫所謂老者豈必迫暮景所謂
逸者豈必恣晏安之謂哉身倦乎遊而心厭乎事則陶洪景錢若水之
流皆以方盛之年引老棄去意有所會而志有所憚大賢如周茂叔呂
伯恭未嘗不以逸自命也居上駟驪公家之事十有五年無適於用不
諧於俗投閒而歸齒髮日漸搖落不可謂不老矣脫樊籠而游林莽豈
得不謂之逸哉屏虛寡欲以逸其心雅歌投壺以逸其情緩步晚食以

明

金華詩錄 卷三十一

五

逸其形杜門卻掃以逸其身堂側有閣聚古今圖籍於中朝夕玩索象
意之精微以庶幾孔子五十學易之叢去堂里許有園一區環植翠玉
中構有斐之亭以想見衛武公老而不倦之志心逸日休惟日不足又
烏知老之已至未至哉 趙文懿有斐亭集序略云往余曠冠師事東
泉鄭先生比余官京邸先生已致政余入政府先生久墓木拱矣歲甲
午余老懶杜門乞休先生家嗣大節應試來京師出先生所為詩若文
乞序於余余讀之詩多與致文皆冲夷平澹泠然悠然大類有道者之
言先生以剛介為名御史無所執附未五十拂衣歸抱負多施而未竟
則其見之文章必有牢騷之思發為不平之鳴乃今叩其聲雅紆不迫
而悠然冷然也讀先生集因以識先生之出處夷考其行有合乎其言
故口有道
者之言也

蚤發沙河

旭日上高林林外人初發皎皎溪上沙眇眇天際月征
途行色多樹杪鴉聲歇平原縱馭騶遙山起突兀禾黍
布東西牛羊競出沒眼前足佳景頓爾忘秦越

春日言懷兼示屬吏用壁間韻

愛民如愛樹庇根勿縱斧藹藹柯條舒繁陰覆元圃嗟
哉同胞民饑寒切肺腑譬之善養生節宣惟納吐疾疢
漫言攻元氣損莫補先師有成訓苛政猛于虎

徐廓原太僕有書勸出兼遺妙扇短句奉酬

子真棲谷口雅與泉石交忽傳京中書故人尙見招開
筵列綺翠當炎迴清飈感此綢繆情愧答無瓊瑤短褐
已適體荃蕙化爲茅孰謂鷦鷯羣尙可綴鷦鷯代馬嘶
北風越鳥戀故巢仰視搏風翼雲間恣遊翱元化屬要
樞妙理寄濁醪千載東山謝百代潯陽陶出處邈難攀

明

金華詩錄

卷二十一

六

臨風挹高標

松下歌

松葉青青花正香春風吹入羅衣裳呼童酌酒飲樹旁
紫芝蒼蘚飛霞觴須臾明月出東方醉倚清陰十丈長

道上柳

烏延道上千柳垂拖煙採雨弄嬌枝青絲縷縷繫遊騎
白日陰陰啼子規道旁行人最愛惜欲縮一枝縮不得
纔看芳菲拂樹黃又憐飛絮風前白君不見紫燕攜雛
入畫梁穿林帶絮沾人裳閨中少婦應愁見靜鎖朱門

春晝長

合水道中

離離原上草隨路照人衣杜宇啼初歇王孫去不歸蜀
江春漲合秦嶺暮雲低杳杳關山道風塵一劍依

春懷

別離經歲久到處有啼鶉春盡寒仍在更深客未眠看
雲長似夏度日小如年惆悵天南北臨風倍愴然

夜坐獨酌

爽氣澄今夕清風來襲人窗移雲影過簾引月華新萬
籟此俱寂一尊聊自親超然忘俗慮披豁謝風塵

登拜將臺

明

金華詩錄

卷三十二

七

漢將當年烈猶餘今日臺江山如擁護風雨不摧頽鳥
盡看天濶雲飛起暮哀英雄千古恨長嘯且銜杯

五六以
大風歌

對鳥盡乃藏語本事律
切又妙在灑成不覺

延安往迴示諸僚屬

驄馬翩翩臘未殘那驚秋色望中單當官自謂從三事

報國惟宜結寸丹亂後催科須用拙古來吏治本宜寬

殷勤不盡瘡痍慮到處何嗟行路難

尹覺亭東泉鄒公行狀山
按陝西時當地震之後流

離失業人心皇皇詭言相扇公悉意拊綏弋蠹賑貧第中飭有司務宜布寬條
以靖民朝議開礦抗疏阻之其略云礦穴所產在萬山中外省接壤之境利之所
聚勢必羣起而爭且災傷之餘民困未蘇易於為

亂礦利微細得不償失其言淡切著明議遂寢

抵商州經四皓墓

驅車躡險過商山隱隱高墳古樹間秦網未弛名不露
漢儲既定意仍閒諸生禮樂成功少百戰功勛末路艱
日暮鶴歸松影靜令人回首不能攀

按江西道中

驅車迢遞出青山百丈丹梯未可攀瀑布遠垂千澗合

蓮華原注高並五峯閒于時但識蛟龍窟此日誰當虎豹

關最愛邨翁弟屋近碧桃紅杏別人間尹覺亭東泉鄭公行狀按江西屬浙直海寇未

珍名募廣兵蜂聚烏合之衆兼以統帥無紀所至剽掠甚於寇盜民情洶懼公立法嚴飭將領督發州縣預備資儲船隻至即起行募兵皆感德畏威迄無犯者曩信橫峯寨僻在一隅土著流寓生聚日繁習性頑悍當事者每有倉卒爲變之憂公相度機宜請建城邑設令長割置郡尚以統屬之成內安外防之功銷陰雨未

形之變按此詩第五句已早爲圖度之計矣

明

金華詩錄 卷三十一

八

春雨發袁州

江城夜半殷輕雷行怯微寒夜色催十里雲山衝曉過
滿林風雨隔溪來依人芳草萋萋綠傍水桃花冉冉開
春事正濃遊子倦爲停征蓋一銜杯

滕王閣

滕王閣迴暮雲低此日登臨望欲迷流水一隨羣葉下

青山半落大河西風雲未破龍蛇夢天地誰容燕雀樓

猶記高皇曾駐蹕於今鹿放草萋萋天地誰容燕雀樓時分宜恣肆憤而爲此言也按行

狀分宜家恆設一虛位每監司行部至者率曲意拜之公謂不當徇人以非禮之恭顧合嶽之左右失色家人彭孔輩持勢凌鏢公奴隸視之恬不爲意臨江尹林公潤餘干尹陸公鳳儀皆以正直爲時宰所忌公力薦其賢得選充臺諫以是積忤尋拜尚通參實疎抑之也

晚泊廣陵

鼓角城頭聲乍稀，客愁無那思依依。
春風楊柳隋堤亂，落日蒹葭楚澤迷。
天遠不禁人北望，江寒猶是雁南飛。
故鄉雲物應無異，目斷關河歎未歸。

此有南道黎之命道中作也。按行狀南都亂卒甫定。

軍情猶反側不安。至丹陽有勸其緩行觀變者。公曰：吾知有義命耳。邊恤其他。遂進。踰年遷太僕少卿。厄於權奸散處開局。公乃拂衣解組浩然而歸。今讀此詩首二語以南都之亂甫定而言五六正謂不得近君直在開散結聯言無所作爲與家居無異歸志決矣。

感述

湖東湖西花事稀，城北城南鶯亂啼。
洞口吳船三十丈，誰人載得月明歸。

夜坐卽事

金華詩錄

卷三十二

九

雨餘新沐稻花香，蒲扇藤牀坐晚涼。
幾處蛩聲吟不絕，月移花影過東牆。

章适

适字景南，蘭谿人。贄長子。贄早卒，适事大父母，極盡歡率。其弟邁，述師同邑，凌瀚步趨不違嘉靖二十六年登進士第，除行人擢禮科給事中。世宗末載倦勤無有敢言及儲官者，适上出閣講讀疏，忤旨未幾引疾歸。有道峯集

志，梅景南，楓山之後，養成和粹。

贄有其文不聞於內外，遠邇之言官行人宣布所至，行李蕭然，告歸家無餘備。

雜詩

古原何纍纍，纍纍蔽榛杞。崔嵬龜趺石，斷絕亦橫倚。皆云公與侯，世遠名莫紀。憶昔當全盛，榮華詎能擬。第舍疑飛雲，軒車若流水。黃金寵姬侍，豐肉厭妻子。良田富阡陌，聲名赫閭里。一朝歸此中，萬事茫不理。新墳生蔓草，條忽見傾圯。牧豎笑寒日，牛羊踐荒址。乘時不尙德，泯沒乃如此。顧語路中人生，前信難恃。

晨起卽事

晨興立花下，湛露清心神。散髮望南山，爽氣滿紫荊。頗釋形骸累，將與文字親。好鳥三兩聲，可以喻中情。

曉行澗上

日出露未稀，幽人步溪曲。沙寒浸履溼，草樹如新沐。徘徊一引眺，彌望郊原綠。平林吐遠峯，秀色延我屋。悠悠愜心賞，且復臻前麓。

邨外晚步

久諧靜者趣，偶尋邨外遊。落日照巷門，翳然桑柘幽。榛曲少人行，獨立風修修。墟煙斂樵牧，歸鳥聲相求。逍遙步層岡，遠峯鬱綢繆。沙潏明可綴，雲物澹莫收。真象非外來，孰辨此夷猶。

甘露原訪趙郭諸友卽事

暇投名山好窈窕，入溪谷明月出林端。澹然悅幽獨，餘

花炫春暮芳草萋萋澗綠尋源既回環陟徑亦紆曲蘚翠
封巖牖瀦清繞山麓危條怯經吹銳穎捷警目竭來見
雞犬偶爾散塵俗柴門延歸客秋遇故人曠澗心與開
編燕語時翦燭夜久息羣喧理靜適所欲微言寄歡悰
道極心自足

月夜遡蘭谿至郡城道中

放舟蘭江渚沿此溪秋月寒色動陰森林巒青不歇微
濛沙岸濶莽蒼郊原接漠漠水煙空寥寥風景徹卽事
無與同冲抱徒成結

呂城道中

金華詩錄

卷二十二

十一

修竹夾長河秀色宏晚眺樵歸碧煙歛漁散落霞照因
茲悟道機始識旅中妙

秋晚遣興

我來孤峯上坐挹平林幽餘輝上海日翠靄橫高邱高
邱振雙屐目送千山夕蒼崖散光景寒雲盪空碧南雁
翻西翎青天萬里長悲風吹楚恨九月徧高唐宋玉今
冥漠巫峽成蕭索雲雨自千秋荒臺豈如昨回首意茫
然丹楓接素煙菊花開且落作意爲誰妍

雜題

合沓溪上山白雲何時休滄波杳然去碧樹含清幽溪

亭間無人獨往誰爲儔坐惜年歲晚終隨魚鳥遊

景南五古步趨

王韋得
其韻趣

塞下曲

材官三十萬日夜出臨洮不見烽塵息惟聞甲第高盤
鴟依陣落獵馬向秋豪辛苦從征地黃沙蔽白蒿

賦得邊關秋思

杖策臨邊郡秋風不可聞孤心當落日萬里斷黃雲月
澹飛鴻影霜寒牧馬羣迢遙望關塞哀角起紛紛

秋日感懷

蕭然一葉下馬上忽關情節是清秋換愁將白髮生風

明

金華詩錄

卷三十一

十一

煙百里靜宮闕五雲平豈爲悲搖落棲鴉只自驚

遣興

秋日郊原路無管好自尋岑雲古寺白山木野橋陰罅
石窺泉遠空林廡藥淡蕭蕭暮蟬急涼雨灑衣襟

暮春三里河顧氏園亭同官宴集

同追曲水宴來就辟疆園近市藏三徑幽棲見一村松
陰上棋局花氣入芳尊獨有沉冥意應同靜者論

閒園

閒園好棲息竟日掩柴扉靜益琴書懶幽兼鳥雀稀草
侵斜徑合花入小堂飛那復多機事終從抱甕歸

徐子與攜酒過余寓同謝茂秦作得寒字

與卽初筵劇談從列炬殘心知幾離合世路足悲歡夜
閣聞鐘杳秋城過雨寒放歌湖海意蕭颯醉相看

八月十五夜新霽同謝茂秦集徐子與宅翫月

得人字十二韻

過雨瑤空淨當筵寶月新碧津涵素綵元景盪纖塵涼
奪冰紈扇明增白氎巾蘭膏迴絳焰桂醕度初巡興發
南樓上神遊太液濱關山吹邃處江海弄珠人紫塞防
偏警青閨望欲輦霓裳空往調蕙葉滿茲辰霜露淒沾
履風煙忽愴神榻應徐孺共賦擬謝家鄰傾倒憐才意

明

金華詩錄

卷三十一

七

羈離報主身他年盼河漢睽合渺難真

署側有細竹一叢寒勁瀟灑蔚然可人掩關靜

對秋雨滴瀝同謝茂秦賦

竹色雨中靜幽軒開早涼高人澹相對森蔚儼成行淅
瀝商聲細蕭疎秋思長晴看映空碧寒訝俯江湘泣露
時沾袖倚風欲近牀陰遲午夜月翠拂九秋霜山水懷
康樂園亭問辟疆寧知掩關趣不似渭川旁

西湖

朱城碧嶂遠瀠迴一片瑤璃鏡面開鳧影忽從雲樹落
權聲還過藕花來吹簫共覓秦樓侶解珮爭憐漢浦才

尙憶當年林處士只將孤鶴詠寒梅

三衢道中

石瀨沙潭盡日行碧山稠疊暮煙橫溪春隔水自相應
野火穿林時獨明落落疎星沉靜渚依依遠樹積寒城
薄遊已覺無拘碍况復仍多物外情

少年行

玉壺絡青絲顧問當壚笑蹀躞紫驪嘶明月花間照

竹門

日出山鳥鳴竹溪門更靜露溼人不行幽花墮苔徑

獨立

明

金華詩錄

卷三十一

丙

獨立溪上樓郊光靄晴綠時有飛來花游絲復相觸

北溪

水鳥不避人銜魚上高木時逢浣沙女轉掠清溪曲

閨意

繡縞羅幌獲春寒小夢初回月轉欄默默絨情淡院裏
含顰細翦燭花看

邊秋有懷

涼風颯颯動邊秋忽憶當年定遠侯萬里黃雲看不斷
雁行飛盡海西頭

繼遊甘露巖

憶昨仙人乘紫霞尋真又到上清家松陰滿地石門靜
開徧碧桃無限花

章述

述字景明适弟與兄适弟邁同學於凌瀚嘉靖
二十五年鄉舉選授漳平令時有巨寇掠民述
至捕得之上官以爲才秩滿遷化州守化州亦
遭寇民心駭懼述以計敗之計功當超遷會有
齟齬之者量移河東轉運副使改未昌同知不
期年歸怡情書史足跡不及城市士論高之

九日

金華詩錄

卷二十一

五

明
作賦憑高及此辰正冠何必倩旁人席隨上下情俱適
飲到清醇意自真秋興未因梧葉老客懷偏共菊花新
萸囊縮佩緣香繫不學桓生辟鬼神

章邁

邁字景德适弟嘉靖二十八年鄉舉選授餘干
令以寬柔撫下民戴之若父母調綏寧再調鞏
縣俱未得竟其施乞歸程襪蔬食以吟詠自適
遇勢利泊如也

暮秋汎溪

出郭遠塵事清川結勝遊遙林紅葉落倒景碧雲流鷗

狎忘機客鴻賓欲暮秋相將度華歲身世本浮漚

冬日侍兩峯家兄遊嚴陵北高峯

危構倚元關凭軒俯萬山空花檐際落霜葉座邊斑
暈心無碍斜陽景欲還風江帆影亂雲壑釣磯閒逐侶
鴻聲急盤雲鶴影旋暮年兄與弟共惜歲華慳

吳百朋

百朋字維錫義烏人嘉靖二十六年登進士第
授永豐令徵拜御史歷大理寺丞進右少卿四
十二年進右僉都御史巡撫南贛汀漳有訪賊
功四十四年進右副都御史巡撫如故上疏請

明

金華詩錄 卷三十二

六

征三巢羣賊震懾隆慶初進兵部右侍郎巡撫
如故尋擢南京兵部右侍郎改刑部父喪歸起

兵部萬歷初奉命閱視宣大山西三鎮終刑部

尚書

志稱堯山巡按南直倭寇圍揚州守禦甚嚴斬獲百餘氣奪解去因業東關及無爲州城按明史外國傳嘉靖三十五年江南

浙西諸寇略平而江北倭則犯丹陽及掠瓜州燒甯艘明春復犯如阜海門攻通州掠揚州高郵入寶應倭淮安踰平乃克不言有斬獲之多及御倭築城之事志又稱堯山閱視宣大山西三邊築邊牆一萬二千五百丈敵樓七十座按明史地理志宣大邊牆千餘里烽墩三百六十三所以通市故不復防半爲敵毀嘉靖三十一年罷馬市兵部請勅邊將修補非萬歷初事也明史本傳稱奉命閱視宣大山西三鎮以糧餉險隘兵馬器械屯田墾法番馬逆黨八事核邊臣督撫王崇古吳兌總兵郭琥以下陞賞黜革有差又進邊圖凡關塞險隘番族部落土馬強弱亭障遠近歷歷如指掌亦不言有修築事也傳又言巡撫河漢汀漳與兩廣提督吳桂芳討平河源賊李亞元程鄉賊葉丹樓又會師破倭海豐初廣東大捕民藍松山余大春倡亂流劫漳延興安問官軍擊敗之與香寮盜蘇阿普范繼祖連兵犯德安百朋先後悉禽之惟三巢未

下三巢者和平李文彪據岑岡龍南謝允楮據高沙賴清規據下歷四十四年百朋上疏言三巢中惟清規跨江廣六縣最逆命用兵必自下歷始部議從之百朋乃命守備蔡汝蘭討爲清規羣賊震懾此莫山巡撫南贛汀漳時勦賊功志第以勦山寇控要害六字該之故私去事於史而詳注於此以備考証

登嶽

絕巘渾疑在絳霄潺湲流水帶松濤千巖雨過天光淨
三觀風寒日色高讀盡崖碑憐幻景書無封禪費織毫
春山啼鳥斜陽外歸路崎嶇未覺勞

李有朋

有朋字彥孚東陽人嘉靖二十五年鄉舉會試

乙榜授福安令母憂歸起補武昌改岳州通判

金華詩錄 卷三十二

七

遷魯府長史有輿中集解武錄清思漫紀風規

瑣談懷沙集

彥孚武昌別業記略云武昌水邑也北臨大江東有西滄洋瀾南有烏翎馬飲西有磧磯長港炭門

而樊湖蟠控數邑吞吐衆湖周遭三百餘里是以楚之水災惟武爲甚今年夏淫雨浹旬湖江爲一防試劍臺驪之由武之南山際黃之北山西抵江夏之龍泉營山渺然三湘七澤不可涯涘惟山峯百十點散落波中巒巒若青螺曝日間有高阜又生怪鼠毛黎奮尾縮蜂屯水底鱗食田間捕撲不能盡告於監司得請趣勸受災處商出文明門由洋關放舟過石橋渡橋在水底舟行或屋脊或樹杪非復故道明日入西滄湖所經洪道下鄉水皆倒流蓋江波汎溢無所歸也畝已成浚潭江船蜩集簷者漁於破屋戶牖間山西爲杯湖東即洋瀾緣山而南舊徑不可覓宛轉蘿棘中至大冶境湖曰河徑梁曰碧石寺曰萬壽余昔之公出也振舄過橋嚳茗方丈今橋隄已沒惟偷柳梢青碧剝水面子然梵宮在浩波中過渡行大冶百許里皆山田水所不及獨樂土也穿崖度壑及茅嶺復吾邑土則烏湖之沒又在目前矣前阻沮湖止宿青峯寺野人有以漿食進者予思民饑不能飽也五鼓櫂舟小湖波掀甚予思衆生方在薄餐我獨安流乎置風波度外望舟乞憐者相屬北至謝埠居室皆墮水中號哭之聲震動

山谷湖波皆沸舟過荷田入靈溪界水清下視田畝皆成荇藻與天光雲影錯落舟下抵金牛重鎮也街衢過舟廬宇聚魚登岑望之左爲靈溪右爲馬蹕二鄉之所未浸者亦一綫耳次日由烏鵲西岸至沙嘴居岷已不可跡出沙嘴爲高唐湖比之烏鵲尤爲曠蕩東北谷石諸峯西南梁子山下卽馬飲亦曰樊湖舟中望之洲沉樹縮波驚射雲若遠若近若出若沒而民物困苦之狀亦懸懸心目間十數里及北峯渡北峯爲雞鳴山過雞鳴爲蚌洲波際隱起黛色樊山也又北行十數里爲河徑與樊湖水同出樊口樊口湖十數丈耳合本邑之水又合大冶江夏咸寧之水於此焉洩又況江水阻於外故不治得乎由杯湖趙岳石二鄉湖擴而巨山縮而卑徑路曲而紆白虎峯邑之最高者下視蒼洲綠樹中岡背一痕達於梅城吾民命脈賴此以續惜乎其不大也一邑大槩於此乎盡災變亦竊識其故矣余不才勢多掣肘子產之輿濟之不克盡也黔敖之粥餉之弗克徧也杜甫之茅屋庇之弗克大也挽回沴氣是有望於當道之禹稷故記以誌之

望五老峯

廬山有五老五老生何年元髮有巢樹丹爐燧氏煙吹
噓出雲物咳唾落飛泉只記滄桑易那知甲子遷由旬

明

金華詩錄

卷三十二

六

高十萬世界睨三千安得馭風上詢渠混沌前

明妃新曲

并序

明妃漢宮人也出嫁呼韓邪君命也再媵復
株累誰所命哉妃方幸外國無防可恣其欲
視爲樂土豈復登望鄉之臺乎黃金何日贖
蛾眉真浪語也予病詠明妃者多敘其情不
求其節節已隕矣情於何有爲作明妃新曲

明妃舊曲聽不足我今翻案歌新曲明妃當日遠嫁苦
馬上僅與琵琶語邊風北來沙起舞悵望長門亦中上
自入穹廬情便淡琵琶變爲琴瑟音冰絃已斷還再續

夜拜金盃開同心銜命不得已玉顏固身累誰教解律
玦傳作闕氏璽呼韓宮中氊未塵雕陶帳前花又春此
時豈直漢恩淺前恩又故今恩新新恩育女不知醜遺
入漢宮侍父母祇把傳聞汗掖庭漫誇骨肉歸邱首烏
孫美人亦遠適黃鵠未歸多比翼胡笳老婦去復還邊
蒿里樹皆春色漢家遣色不遺節徒教邊地輕中國嗟
嗟墓草青千載羞遺靈何如宮人斜埋骨日亦曠君不
見虞兮青血一劍傾至今草色留芳馨

漢人陸昭君遠嫁故作
歌詩以慰其馬上之心

晉文王禕賂因改作王明君歌石崇製曲以教綠珠有曰父子見凌辱對之慙且
驚殺身良不易默默以苟生當是實事實語後人或以此寓無知之感也此篇
以大節憂之凜凜乎詞嚴義正可爲世勸
然采掇又云昭君飲藥自殺不從其俗

明

金華詩錄 卷三十一

九

惜花歎 并序

年年歲歲花相似歲歲年年人不同之間作
也今年花似去年好去年人到今年老太白
作也予獨謂相似者非故花不同者卽舊面
大約花以月計根株榮瘁以歲計人以百歲
計而樹立當以千億歲計二公乃與草木角
修短于尋常尺寸間抑何隘耶因反其意作

惜花歎以自廣云

冷眼看春春太苦杏花桃花趨人舞今年花上去年枝
去年花作今年土花開花謝須臾頃斜陽不戀花間影

惟有東君舊酒尊，年年相對梁園景。嬌紅嫣紫豈足誇，
生滅一片空中霞。世上但有百歲眼，枝頭安得經年花。
滄海蟠桃渺何處，東方小兒三睨樹。若將此種種人間，
花長不落人長住。

世上但有百歲眼，枝頭安得經年花。四字可以鑄鐵起宋李二公不能移矣。

夜分

少年歌酒處，不復計朝暉。急晷老來覺，秋風客路聞。窗
痕燕樹月，檣影楚天雲。未了平生事，縈心怯夜分。

野泊

野泊亦何定，偶然古岸頭。漁燈疎隔浦，鄉語接鄰舟。溪
靜聞魚跳，林深看鳥投。客囊原似水，隨處狎沙鷗。

明

金華詩錄

卷二十二

三

懷邊

捐卻燉煌千里沙，只於嘉峪定中華。右邊不斷匈奴臂，
西域難通漢使槎。驚散屯田因野騎，催回斥堠是清笳。
多情青海灣頭月，照見征人夢裏家。

武昌懷古

臨風探古一躊躇，故國荒涼霸業餘。裂石已銷三尺劍，
磨崖猶綴八分書。漫郎谷口波聲壯，老子南樓月色虛。
往蹟江山多勝槩，懷蘇何事獨趑趄。

社姥峯用少陵秋興韻

錄一首

社姥峯高帶石林，洞門欹處亦蕭森。煙蘿剛露一痕缺，

風葉還畱半壁陰人世偶逢今日笑勝遊溪慰昔年心
壺中正喜秋清寂啄木空山似擣砧

李有容

有容字彥宏有朋昆弟有集

鈞弋夫人

風塵結恨赴雲陽回首踟躕帝亦傷脫珥祇憐拋稚子
藏鈎應悔付劉郎縷絲欲向空棺解體魄先餘竟日香
青鳥年來無復至上林愁見起枯楊

李學

學字昭敬有朋族有蛙吹集

明

金華詩錄

卷三十一

三

寄徐草亭

結屋山隈遠市塵左圖右史日相親清心不作浮雲夢
尙友還從太古人翠竹蒼松三徑晚野花啼鳥四時春
願推至樂公天下莫向幽巖老逸民

蛙吹集秋後遺懷有句云
垂老已無投筆志明時肯

作飯牛歌是其志不在用世也
玩此落句又似爲草亭勸駕

金華詩錄卷三十三

明十四

唐汝楫

汝楫字思濟蘭谿人龍子嘉靖二十九年進士
第一人及第授翰林院修撰官至左諭德坐黨
奪職

遊後樂堂

堂幽春事好客至悅逢迎杯汎花皆發琴張鳥亦鳴病
容憐竹色野性悅山情蘋末微風起如來解客醒

柳枝詞

金華詩錄

卷三十三

一

陌頭春色入高樓添惹閨中萬縷愁欲縮同心將寄遠
玉門羌管不禁秋

鄭國賓

國賓字汝嘉蘭谿人錡曾孫嘉靖二十九年登
進士第授婺源令有政聲徵補兵科給事中轉
禮科會重臣視師江上納賄將進權門事覺適
祈修卽吉治以他罪權門復庇之詔責禮科諸
臣不豫寢其封俱奪職國賓方督工中極不在

則十直一例罷黜時論惜之既歸以吟詠終焉有臥

雲堂集

樓里子自敘略云罷歸歲在丁巳數犬馬之齒三千又八
年幽伏草土或往來樛里間囊書台稿與童時習和之徒

古晴料雨問農課圃清酒一罇殘書一束可了此生當道雖列章薦剡而狡狐假虎狼鸚張謂余獨簡驩情遂爾騰徒善飯夷門倚嚙廬左何由悠悠世情緘口無及子則築室東山三餘誦讀歲時杯酒嬉燕此鄰或對酬景物或紀載遊觀舒宣烟枕陶洗胸次漫喜其編庶老歲月樸解略云庭前有樸樹蔭數畝其大蔽半日偃息其下酌酒賦詩因以為號客曰樸之為木品斯下矣擁腫拳局而不中規矩夏榮秋殘先霜而墮蟬殘蟻附人不如惜立之塗匠氏不顧士苟懷瑾握瑜淬鋒厲鏗以須子時叱咤則卒徒百萬指搗則諸侯從命母徒抱此直虛生為抱樸子曰噀玉割于珍珠伐于香蚌以珠剖翠以羽戕無或咎人物各自殘我庭之樹春煦秋陰朝煙暮靄亭亭表直遠望若益豐我之宅鄙我之堂以脂以膏詠酌其芳悠倏歲時青葱蔚翁葛其有已樸不適用獨全其天子且異越乎先生不能為也于是自號樸里子人稱之曰抱樸先生 徐中丞鄭君墓誌銘生二子長曰璣以儒學名家紹武高第仲曰璠璠生續世翰職積澤生君英敏質直少發駁聲

自君之出矣

自君之出矣行跡未可尋有客遠方來寄我綠綺琴綠綺亦何為可以揚徽音漆以固我交絃以寫我忱一彈

明

金華詩錄

卷三十三

二

南薰至悠然暢我襟披襟正當風毋彈白頭吟白頭吟最苦恐以傷君心

自君之出矣始於徐幹室思之二章曰自君之出矣明鏡暗不治思君如流水無有罷已時後人擬作都為此句遂有長篇矣

楊白花三首

江上楊白花路傍遊俠子攀花笑盈盈風吹羅帶起朝送遠遊人暮送遠遊人楊花無意緒姑待柳條新且看江頭水休歌楊白花楊花不生蒂吹去落誰家

雜詩二首

世人重富貴貧賤常見欺悲哉胯下人風塵何所為既遭里中橫不受親厚知胡為漂母心乃違衆所疑淒然

念王孫捐此一飯私一飯不足多何人濟艱危
淮陰困饑寒忍辱在一時懷書謁真人雲龍日相隨方
挾震主威已存王伯規中原馳勇略兩雄係安危鴻溝
決漢業垓下殪楚騅一朝偶失策竟爲兒女欺

行役次焦石

繫纜長松下古廟瞰高岡下有縣縣道赭汗流路旁東
飛千里河狂瀾拽危橋高樓駐行客美人滌素觴春風
逐顏開纖指激清商但寫絃中怨那識聽者傷停杯攀
柳色遊子各沾裳

清水鑿白石雲容被行潦雞鳴石梁月晨曦不同照結
明

金華詩錄

卷三十三

三

東誰家兒驅車出遠道繁露下金羈光輝偏自好長繩
不繫日人生那復少華髮忽蒙茸胸懷近潦倒此時問
蒼天天遠豈能到

蟬并序

今年秋旱燥蒸烈異常樸里子偃息南窗揮
汗則雨注放息則雷升而獨苦于蟬噪夫蟬
解脫似仙高棲似隱不食似君子無求似有
道何爲乎長鳴物不得其平則鳴爾何不平
哉樸里子有感於蟬亦不能已于言

庭前有佳樹蟬鳴樹上枝因風時斷續淒切有餘悲雅

音不諧俗清德畏人知
饑餐露華腴坐受涼風吹
全解已無競高棲復奚疑
與世不相及喧聒亦何爲
當悟忘言趣無受下人嗤

天馬歌

天馬行行生紫光
高秋御路獨昂藏
流珠噴沫赭路旁
漢庭策勲瀚海疆
祁連刁斗去路長
星飛電曳雲錦黃
歸來蹀躞雲水鄉
日盡五斗向長楊
倏焉顧影心獨傷
鹽車受困升高岡
酸風射眸山月蒼
桃花片片落巖霜
君不見邯鄲才人
廝養婦空有才貌
驚四方誰知千金
買駿骨徒然萬里
誇騰驤

明

金華詩錄

卷三十三

四

關西老將歌

少年騎馬疾如飛
長弓勁箭突重圍
萬乘曾推雙轂重
五侯揖讓平交歸
瀚海黃沙連朔漠
天山月白聞邊柝
一身轉戰三千里
陰風颯颯陣雲惡
奮臂前驅斷月支
橫行又奪胡馬騎
雕戈白日明秋漢
大漠霜高響鐵蹄
塞下人傳老都護
軍前共說長城固
豈知歲月漸蹉跎
老大逢人不相顧
射虎將軍竟不侯
牧羝歸來空白頭
聞說燉煌徵猛士
關西老將淚先流

玉階

玉階寂寂蚤寒輕
曙色含輝出鳳城
鸞犬錦綺遮雲慢

翡翠檐牙逗曉晴碧檻蓮塘起睡鴨青沙竹塢來鷓鴣
麒麟玉刻金鈿帶珠箔香霏雲母屏菱鏡花殘秋水淡
瑤琴絃絕網塵生自憐掩縠垂綃語卻憶花前月下盟
太液池邊坐長夜雞頭菱角漸縱橫

學長吉飛卿
可稱具體

失釵怨

貧家女子薄梳粧荆釵自比雙鳳凰失釵屈指今日
蚤起簪花無顏色昔年行嫁六親憐新婦如花正少年
一朝行汲釵不見想因墮其轆轤轉轆轤上下無停時
定然埋沒井中泥

此學張王
亦是楚楚

江南曲

金華詩錄

卷三十三

五

江南二月饒春光銀瓶曉注幽蘭芳金縷斜飄睡鴨香
盤雲寶髻雙鴛鴦東隄楊柳抽金色帶水縈波遙映碧
麒麟公子騎馬來墮卻絲鞭收不得卷幔臨風嬌翠嚙
輕紅淺碧步搖塵只今誤識長安俠細水寒山愁殺人

長安道

朝望秦淮水暮望長安道長安古道饒風沙一望長安
一回老輕車遙遙去路賒載我良人不過家馬蹄日夜
莫停閣從此良人不堪託良人去日車兩輪恐到長安
生四角出門十年不得歸妾身夜夜夢空幃

紀異

北風獵獵吹山坳山南山北鵲呼巢倏忽千里走魚鱉
彷彿千門起臥蛟草堂住在千峯下幾見重雲壓片瓦
蜃樓高結排空來寒練孤懸當戶瀉埂塌沙奔不可留
兩岸何人辨馬牛山人自裹餼糧去五月坡塘生素秋
邑志載蘭谿水災嘉靖四十一年六月四十五年二月皆非五
月此作在官歸之後其年相近而月不合未知此又何時也

士兵行

姑蘇城上烏夜啼姑蘇城下水平溪黃狼走去白狼趕
士兵攪得蠻兵妻花中裹頭白裹腳勁弩強弓隨部落
蘆管嗚嗚夜劫商捨得黃金充路橐昨朝鄉下奉府移
隨程牛酒犒王師將軍樓櫓沿江下都護行營赤羽旗

金華詩錄

卷三十三

六

無窮螻蟻山中穴先割閭閻膚與肌頻年玉帛由來賤
零落珠璣足慨歎前邨少婦後邨啼趕殺丁男不見面
海上鯨鯢終可除中州狼虎不堪居一朝封豕衝突起
殺人之性還有餘

嘉靖間東南倭患棘總督高書張經徵四方及狼土兵
議大舉趙文華獻平倭七事因遭祭告海神卽于此祭
賊動靜文華陰欲撻經之功狼兵稍有斬獲卽厚犒之使進勦土兵猖獗所由來
也初龍州賊作亂都御史陳金奏調廣西狼兵征之李獻吉作土兵行有云寒匪
日月豈盡照大邦鬼魅難久居天下有道四夷守此輩可使亦可
虞當時情形亦復爾爾何前後一轍徒使有心人爲旁觀之言耶

聞歌

十二秦箏壓指彈雲屏步障最相憐流霞暗度樓前月
散穀明邊瑋瑋瑁筵羅綺紛紛爭相愛芙蓉千尺明仙隊
小腰誰復惜瓊枝乍汎風光上環珮梁塵暗落起新聲

門寵含情滿座驚眼中粉黛空姝麗盡追蛾眉恨不平
別有高臺上涼日朱甍翠幃遙相憶春風來蕩河陽花
楊柳低纖堪把惜鴛鴦宛轉金縷函翡翠瓊瓏雲錦絨
華鐙忽照珊瑚枕小婢收將火浣衫長安貴客金如土
袒臂登堂愛歌舞當壚快飲三百杯長江作醅虬作脯
不道今生不解愁相逢便欲脫吳鉤殷勤那計百年事
白日聊隨江畔遊

長門怨

賤妾偶然妬長門遣妾空新歡何處是舊悔莫能支舞
袖空君寵衰顏獨自持還當洗陳慮日夕望恩私

明

金華詩錄

卷三十三

七

經黃山舖

十年懷舊國千里滯鄉關寓目風霜古驅車煙水閑客
心嗟末路落日動秋山已覺江湖遠投身總是艱

連日雨

昨夜雷猶奮陽厓有臥龍雲飛山忽斷雨過翠還封蝸
篆滅仍起苔衣剝又重呼兒延宿火薄暮乞鄰春

聞陸錫山掌科落職二首

造物忽如此君才獨可憐風塵餘白首窮達付蒼天夜
雨鐙前草秋帆渭上船逐臣應有恨遲爾越江邊
解組投閑去悠然係我愁昔年雙白壁萬里一貂裘人

滯清江宅風行春水舟無能致相憶心折望京樓

早秋

風雨兼三夕園林獨早秋密雲藏故壑宿溜下平洲葉
墮霜前樹霞飛山外樓郊扇常不掩應得遂淹留

洗竹見南山喜而賦此

洗竹見南山悠然隔世寰片雲何鹵莽一水自潺湲徑
靜通幽理門深契大還終須倚霄漢蕭灑出雲關

晚發舟

高秋多爽氣傍晚向河源帆影能留照灘聲正及門寒
濤青雀舫老樹白雲邨獨有飄颻意中流未足論

明

金華詩錄 卷三十三

八

九日巽齋僉憲邀同諸公登高賦

有酒能邀客登高賦遠遊萬山當日落孤嶼入江流極
目能千里歡呼共一樓親朋盡今日萸菊一番秋

縱鹿

并序

山人饋余鉅麋頭角崢嶸然毛色純黑疑千
年物也決籥縱之侑以四韻他日相見于瓊

玉山頭須爲余頓轡華陽洞口

谷口隱澗霧重巖午不分此間有豐草好去臥元雲樵
客醒殘夢空春憶舊羣赤城應不遠爲我訪茅君

鹿生千
年而蒼

五百年而白五百年而
元元鹿蓋千年物也

荒園

一月不復雨荒園悶掃除乾坤容老健門巷任蕭疎竹
嶼雲穿履芸蔚夜翦蔬桑麻共朝夕何愧抱經鋤

自都下還經五嶺

樹杪分泉擁臥榭隴雲結陣伏流沙居人過午貪看日
行役經旬不到家驛路尋常隨鳥度邨煙大抵傍山斜
春風雨過芙蓉溼一倍寒光映紫霞

客有攜觴酌予者

亂山迴合抱江流竹裏啼鶯喚酒籌蓮葉約開縈素手
柳絲牽絆上高樓不辭嬾慢舒前笑更欲登臨到上頭

明

金華詩錄

卷三十三

九

一醉陶然愜心賞水花浮浪曳孤舟

舟中雨夕

一片瀟瀟水外邨晚雲依樹近高原風行百里胥濤壯
霧合千家漁浦昏清夢半簾飛曙闕高歌一曲動江門
餘年未易聽蕭瑟蘭柁篷窗夜斷魂

登釣臺絕頂

一上孤峯天際頭羣山回合抱江流雲間棟宇臨丹壑
檻外星辰繫客舟千丈遊絲鯨雨至幾年苔蘚鳥聲幽
韓彭百戰無荒土樵牧于今薦古邱

古別離二首

莫向臨邛路生憎浦口船別君洲上月應得幾回圓
江上芙蓉花一別一回老看取秋風來紅顏爲誰好

古意二首

海門初日上照見望京樓下有北去船揚帆過石頭
山中人習靜水竹自庄家朝汲清泠泉暮看紅槿花

玉臺體

郎住竹棚下從容開素襟莫問門前水引郎東去心

小園四首

我有一畝園菜蕪未曾去呼兒築小臺幽篁卻相語
數花明堂前春風可鎖鑰扃戶朝復朝紛紛自開落

明

金華詩錄

卷三十三

十

野鶴如人立屋鳩作意鳴幽意無別事香篆細分明
簾卷風生席牆低月印庭豆花棚下坐一卷種魚經

桺枝詞二首

白板橋邊楊桺枝美人樓上勸瓊卮千條萬縷不堪折
舞翠臨風欲向誰

水榭風生匝地垂曉粧臨鏡門蛾睂未須展盡黃金色
不與紅亭管別離

邊詞二首

白骨未收城下土黃沙又起塞邊風孤城百戰心猶壯
夢裏還開五石弓

飲馬長城漢月明射雕陰朔陣雲輕旄頭落盡交河北
又說雲中殺氣橫

春江詞送人之桃源

桃源渡頭春可憐家家桃樹帶春煙春煙到午銷未盡
我欲涉江無渡船

畫鷹

萬里長風吹雪毛霜眸歷歷見秋毫須教平野無狐兔
眼下何人爲解條

驄馬

驄馬金羈碧玉鞭玉郎騎坐入幽燕醉來忽墮青絲轡

明

金華詩錄 卷二十三

十一

又向高樓一夜眠

客有吹簫江頭者聞而賦此

烏棲庭樹落斜曛貞白堂前夜色分

原注案上爲貞白公宅

百尺樓

頭明月裏春風渡與隴頭雲

抱朴詩酷喜暮立不特用古題者步趨古意偶一落筆語意思皆識經緯五

七言小詩亦能得此意今錄其音節高亮如唐人絕句可付旗亭者爲先生別開生面

王汝述

汝述字朝明金華人年十二爲諸生有聲嘉靖

二十五年鄉舉第二十九年登進士第授吉

水令廉介有守遷刑部主事尋出爲貴州僉事

叅議與使臣忤論列改調以母憂歸服闋不起

部優游林泉與能詩者唱和以自適有集

過羅浮江

十年雙徹烏萬里一塵顏林響猿移樹雲迷雨過山近
人蟲扎扎鬥石水潺潺重憶陶彭澤高風不可攀

紅心道上

牢落長安道焦枯兩鬢華一寒將入骨數載不歸家澗
水和冰溜江風逐雁斜故園無別夢夜夜繞蘭花

客邸

獨臥虛齋久天涯幾度春種花鄰蝶至買藥客囊貧風
雨雙蓬髣江湖一葛巾悠悠緣底事還作異鄉人

明

金華詩錄

卷二十二

十一

貴陽道上

獨館宵偏永空山夢不成杜鵑春後至螻蝻雨前鳴
今朝絲雨歇昨夜布衾寒山色青堪染溪陰綠可餐

道上懷西曹故人

心懸日下雙龍闕淚落天邊百雉城數載白雲樓上住
秋風散作五湖萍

趙右卿

右卿字汝弼蘭谿人嘉靖二十五年鄉舉選授

高安教諭歷雷州同知致仕盤桓山水間構碧

霞宮結方外之遊吟嘯爲樂同邑胡應麟爲之

立傳

同邑侯喻邦相遊靈洞山房

寶華山下神仙宅勝絕迴與塵世隔使君逸興思探奇
歷盡千峯拾紫芝尋幽拄杖看涌雪石髓寒凝生瓊屑
金沙逐水成霏微疑是玉龍鱗甲飛何年女媧墮片石
煨煉紫霞成五色光搖半壁散綺紅玲瓏若與赤城通
杳望白雲迷洞口覓徑卻隨蒼鹿走虛疑堆裏臥仙人
石牀丹竈盡氤氳雲外峯飛高百尺巉巖對峙如人立
水簾轉處淡渟泓未解何人驅五丁錫名傳自勾漏令
水晶珠箔尤奇勝朝來飛鳥報山靈倏忽卷霧排滄溟

明

金華詩錄

卷三十三

七

玉泉卷入君肺腑白戰騷場激千古雲屋深澗靜吐香
梅花一樹凌冰霜定知此夜發清嘯流水高山稱絕調

按此句言流水高山與絕調相稱也稱讀去聲

座中誰是鶻冠子獨抱黃庭證元理綠

章夜徹九虎關頓令業海生青蓮琴音劍氣兩芒石凜

凜清風世共仰

王介州靈洞山房記略云天官趙侍郎汝邁謂余曰靈洞山去蕩谿東南十五里洞著名者三白雲最險而高時時

有雲氣往還也紫霞者色紫而麗如天台赤城霞也涌雪者玉乳散漫皆雪也山孤聳張左右翼而下中爲石田前列三峯山之跌有泉曰天池望可鑑髮泉之石山半有石若孤雲飛來欲墮不墮更右一山多異石藤木樛葛望之蒼然宋初有異僧棲焉築蘭若曰樓真云天池二十武構樓三楹顏之曰祇書傍翼一小閣樓之前齋曰三山可據而望三峯也齋前有堂曰六虛樓之後有軒曰玉液面山臨池窈窕琤琤與松風相應可一里許有半山亭去亭有磐石岩蔓如蓮花更半里達溪橋夾植桃柳春時爛熳遊者作武陵源觀云更一洞去白雲稍近四壁皆石鍾乳瑩白如玉滴瀝有聲霏霏若露屑則名之曰玉露云

秋月同諸友宴坐草堂延月

炎空初霽雨暮色已秋光解帶恣幽賞披襟納晚涼梧
高庭欲露牆白月如霜忽在江東客狂歌醉草堂

贈玉華樵隱

玉華峯頂是君扉峭壁垂蘿客到稀自有黃精銷白髮
不將野服換朱衣身隨麋鹿仙家遠路入煙霞鳥道微
歎乃聲中雲滿壑爛柯一局已忘歸

邨居秋興錄一首

桔槔原上暮煙平野色淒其忽自驚雨過千秋風颯颯
雲銷一水月盈盈論交只有青山好投老何嫌白髮生
此日故園風景舊漫將愁思託秋聲

明

金華詩錄卷三十三

丙

霏霏輕靄薄朝陽又見寒塘幾樹霜林近煙光侵木榻
地偏山色到空堂庾郎蕭瑟情無賴宋子悲思賦獨長
病裏殘秋更惆悵祇憑詩酒寄疎狂

徐用光

用光字成孚蘭谿人袍子嘉靖二十九年會試
中式三十二年廷試登進士第授工部主事歷
郎中爲諸生時與弟用檢講學羅山菴超然有
得入官潔已自持不可干以私爲時所重有徐

工部集

程侯徐工部傳略云官工部主事治水部城南日夜露宿
河上爲隄一千八百丈洩蘆葦之水使毋漲漫害畿東諸

邑至今利之陞員外郎督臨清神廠兼治河會河淤築家鄉且百里
捐公帑排濬不浹月漕復故州守李貪縱請置之法卒論戍中貴往

來有肆橫者每近之厥買數十萬故事割蘇佐公費一切謝絕選郎中
去清人琴送百里外道病行李蕭然寄戶厚獻金輒厲聲指衣曰我如
此衣爾何以墨汙之亟持去不數日
卒臨清頌德政有烈火真金之譽

渡淮

日落聞櫂歌遊子意如何天風吹孤蓬颯颯渡長河
水晝夜流誰能振頽波原野日蕭條轉盼蒿萊多霜霰
日以霖歲事隙中過一擊祖生楫欲借魯陽戈但恐榮
華落功名易蹉跎

桐江憶兄弟兼諸同志

秋風木葉下千里夜偏長空憶鶯求友偏逢雁斷行離
情隨去棹別淚灑征裳戀戀向誰語相思天一方

明

金華詩錄

卷三十三

五

金山

四面銀河落一拳玉石浮禪杯遙渡海蜃氣近成樓刹
影鏡中沒鐘聲天外流與餘歸棹晚初月甕城頭

天津夜汎和陳六亭年丈作

關河月滿片帆孤疑是山陰雪夜圖水落天津同到海
槎分星漢欲通吳燈明野戍人孤往酒近山邨客共沽
岐路誰能開笑口不妨清興落江湖

題畫

柴門寂寂傍江開風色波光逐岸迴溪樹黃鸝啼不斷
隔津誰喚小舟來

趙祖鵬

祖鵬字宗南東陽人甫能言卽善屬對七歲作

玉門關詩用回文體宛轉鏗鏘世稱神童十四

歲補諸生第一嘉靖三十二年登進士第改庶

吉士授編修與嚴嵩忤構事落職歸未嘗一日

廢書著述甚富有明易六十八卷詩補傳二十

四卷春秋後傳十卷周禮解七卷崑崙圖說二

卷又蕊珠林史略庸言華東旃蒙諸集太史著作等身未經

刊行遭兵燹散失訪其子姓有詩稿稿抄數帙檢拾於殘編斷簡之餘佳者不傳傳者未必盡佳殊可惜也

關山月

金華詩錄 卷三十三

六

渭北深閨月遼西露帳看似憐金屋冷來照鐵衣寒弦

上秋將半暉澄夜未闌關山還有約轉戰破樓蘭三四從沈雲卿

可憐閨裏月長在漢家營一語化出淒婉之情更加一倍

驄馬

騰踏五花驄羣分冀北雄星流天帝闕電掣大王風調

合如琴轡開隨滿月弓匈奴避神駿鐵騎倒前鋒

中秋禁直玩月

輪冰殿桂夜娟娟清印瑤池月正圓不是尋常三五夕

况當咫尺九重天光搖鵲鵲琉璃淨彩瑩麒麟錦繡懸

湛露詩成明滿魄千秋金鑑祝年年尋常三五咫尺九重可謂工對

仙田 并序

金華蘇郡仙田在丹井西田可百晦產稻香味異常鷹
護雀耘不鼠不稂唐以來歲貢充御膳至我
聖祖始免國史云卻金華之香稻謂此也

丹泉飛灑入仙田百晦華滋潤物偏三鳥遺香歸玉粒
八珍需甌上瓊筵錢王貴異頻褒錫聖世停征切惠鮮
鷹護鳥耘歌白叟芳馨贏得古今傳

徐公湖 并序

徐公湖亦曰千日醉泉在絕頂兩玉壺間泉
仰出廣可二三畝昔徐公逢安期生赤松子

金華詩錄

卷二十三

七

明

于此對奕徐在傍觀奕二仙酌湖水飲徐徐
醉臥湖西平石上千日不醒比起宿莽已繞
身矣歸至家家人釋服已二月至今平石版
有徐公臥蹟焉後亦仙去今東西兩玉壺祠
入會雷淵安期生赤松子平石下山橋上祠徐公湖水
分二派東派注金盤邨爲赤松溪西派下平
石穿三洞爲盤溪水清冽異常山人取以釀
風味特殊亦曰千日泉

金華絕頂溢清池浴日涵星紫氣隨明印兩壺懸六洞
暗穿三洞落雙漪徐公一飲經年醉松子頻來幾局棋

浸棗如瓜長此地錯教東海問安期

送廿二弟出塞明日作

榆關紫塞隔重雲憶弟頻經古薊門
萬里烽煙魚甲冷一天秋色雁行分

趙祖烏

祖烏字宗周祖鵬從弟嘉靖三十一年鄉舉有
龜陵吟卷

送應菴弟用韋蘇州韻

崎嶇不憚勞遠就煙蘿客邂逅長松間掃雲坐盤石山
中何所有笋蕨聊永日乘風欲歸去刻竹記行跡

明

金華詩錄

卷三十三

六

戚柳源精舍

秋向山城蚤風將杖履輕直尋幽徑入不必主人迎琪
樹長棲鳳溪泉縱螿鱗誰知闔闔裏清絕小蓬瀛

四月二十五日復入山

芒屨薜蘿裳侵晨復野裝雲分山徑曲風度水聲長火
耨還隨俗樵歌自一鄉山樓隔邨塢松竹正蒼蒼

過玉華山人墓

何處函清骨淒淒春草多丹青先寶繪書法後元和歲
月藏名姓山林獨嘯歌至今人不識惆悵白雲阿

舟中次王麟洲渡江韻

席挂南風正篷開夕照偏盤渦沙鳥集高岸木龍懸夜
入雙溪水秋生六月天清謳何處發倚和叩蘭舷
歷歷臨江樹枝枝拂櫂過綠沉山倒景紅漲日淩波塵
夢客中少幽懷水曲多芙蓉正堪采奈別美人何

清泉洞

高臥冰壺一夜秋碧雲如水洞門幽登臨溪壑歸清夢
來往風塵付白頭水樂偏于孤枕入松濤直向萬峯流
從今自抱蘆花被黃葉西風作浪遊

過董子讀書臺

爲重河間文獻來褰帷竟上讀書臺大廷三策人千古

明

金華詩錄 卷三十三

五

舊里孤墳酒一杯絕學波流回士氣遺經星斗拾秦灰
醇儒已作江都客東閣當年空自開

過文丞相祠

丞相祠堂楚水東椒漿槐火四時同黃冠不遂歸鄉夢
赤手空懷許國忠長嘯六歌堪涕淚小樓三載念從容
青編歷歷尋遺事毛髮難禁此夜風

社燕

花雨和泥小院香營巢燕燕午陰長東風簾幙多相似
只認書聲舊草堂

趙祖點

祖點

東陽歷朝詩作點今從邑志

字宗輿祖鵬從弟官州判有海

雲亭漫稿

東陽新志趙祖鵬與從弟祖點鵬並以詩名於時祖點著述尤富有續纂十七史宋元詳明皇明詩選等書

其東陽文獻錄增定金華文統補輯鄭栢賢達傳今皆不存

子規

三月羣花正門妍可憐處處但聞鶻天津橋上頻回首
恨落江南幾樹煙

山行

涓涓滴水日西流野磴春寒夜未休莫謂山人生計拙
許多機事在溪頭

金華詩錄卷三十三

三

金華詩錄卷三十三

金華詩錄卷三十四

明十五

盧仲佃

仲佃字汝田東陽人解元楷曾孫嘉靖三十五

年登進士第授晉江令調福安倭患方亟仲佃

守禦得宜臺使者上其事召入為刑部主事轉

兵部郎出守成都歷廣西布政使左遷備兵惠

潮以勞卒有何莫軒集按鄧邑志稱調湖潮楚王薨武岡

許奏仲佃按王威於法奪武岡府事徵獻略亦同王之明史嘉靖二

十四年楚王世子英耀謀逆弑父武岡奔救被傷朝廷英耀資武

岡金幣以王次子嗣隆慶五年嗣王薨子幼至萬曆八年始嗣爵不

言武岡謀署府事武岡傳稱於嘉靖四十三年上書條藩政後廷臣

金華詩錄 卷三十四

明

集議多采其意是欲整頓藩府者恐未必有此王威盜帑之言亦稍外
設衛官王守仁上言遠祖定遠侯淵為楚王妃父遺環寶數十萬寄楚
帑為嗣王侵匿詔遣中官清核楚之幼王奏辨請還宮搜掘是其事發
於萬曆八年嗣爵之後故能奏辨也盧在湖湘據武昌稿黃鶴樓詩序
云幸未由粵泉改筵幸求京常隆慶五年或因王薨子幼發端於此時
為盧所遇遲之久久而後上言要未可知若云按王威於法則其事繫
鞫王府承奉等久之無所得諸璫方以搜括希上百不欲暴守仁罪帝
頗悟罷其事未嘗罪守仁也安得當盧官湖湘時能按王威於法耶且
此徵獻略公至福安衙署摧破海寇外逼從者皆哭而公意氣愾然
卒能活一邑之民官求富則民貧官求生則民死涖官行政豈全家偷
生之人所能勝任哉方伯詩詩序不載東陽歷朝詩僅存七律二首
今從盧秀才衍仁得何莫軒詩草殘本二帙四卷五卷曰武昌稿六卷
曰南嶽稿十三卷十四卷曰湘東稿十五卷曰南浦稿抄本一帙曰懷
玉園集冲和粹雅頗有可存
甄錄稍廣惜不得觀其全也

蚤發長安

晨起風色清山頭月光白驅車過松下流泉響空石曉

聲出雞鳴新篋挂牛宅茆屋未醒人長途倦遊客行行
陟高岡水漫東南坼民居爲丙穴飛帆過山脊臨流成
浩歎砥柱無長策空飽公家廩誰起溝中瘠千載仰禹
功天地真辟易

蒲圻道上書所見

行行重行行秋草何離離遊子懷空谷側耳聞鳴雞茆
茨臨曲岸柳影垂清陂四野黍如雲老幼欣相攜持竿
逐田雀春糧備晨炊悠然足俯仰力田真不欺臨流濯
清泉聞風曠襟期一身許四方那得顧所私牛背吹蓬
子相看不相知

明

金華詩錄

卷三十四

二

湖上曲

落日迷煙一湖水西風來卷湖波起楚宮岑寂鴉亂啼
兩岸芙蓉三四里去去橫穿楊柳中柳條低拂蓼花紅
杖頭有錢須一醉明日思量今日空閉門獨鎖巢居子
世事悠悠洗雙耳念之令人神爲飛黃鶴樓前蚤挂衣
出得門來天地隔山中自有采芝客

八窗主人攜酒懷玉山房以題爲韻卽事作

白石山人已望八高呼放飲傳柘滑

原註座中白石叔
年獨高飲獨放

相將

寄傲倚南窗流水一溝雙鶴翔意氣相投遇賢主花下
風前春幾許一來一往更番頻兩眼迷離作醉人橋頭

日影落已西，栖醜已空重。復攜竟日歡，歌直到酉傾。盡
餅中五斗酒，談無拘忌開。我懷脫略禮，數忘形骸竹。林
菊圃人如玉，狂歌痛飲有芳躅。幽棲無用入，溪山落花
流水白雲間。醉來擁被眠山房，一枕羲皇夢正長。

閒居

錄四首

栢影落書碧，開闌長藥苗。雨餘花得氣，風急鳥無聊。搔
首看春去，尋真入世超。年來蕭索意，漫欲共漁樵。
偃臥南窗下，悠然見古人。從茲滌塵想，不覺見吾真。道
在羲皇上，心空江海垠。風波牢著腳，莫負此初身。

處世殊寥落，吾心託簿書。眼中憐落井，釜裏歎遊魚。問

金華詩錄

卷三十四

三

俗三江遠，憂時兩鬢疎。懷人悲倦翼，卜地好肩鋤。
回首空中境，山河大地俱。天花生燦爛，野馬出虛無。有
畫原非易，坐忘方是愚。寥寥千載後，何處叩真儒。

夢醒

醒夢起蒲枕，呼童理角巾。花陰憐昨夜，鳥語響初春。世
態因時變，吾心離物論。空山誠可托，去作葛天民。

白睡起步月

錄四首

山

一

二

三

竹牀睡起步，庭除萬里和。風到草廬六，合此時誰著眼。
三更容我獨，飄裾花神蝶。使清虛外遠，覽長歌。夢寐餘
驗得一腔元氣，滿凌空倒影向華胥。

野興
官舍閑來學種花
藥闌苔徑竹籬笆
經年作客頻看雁
到處逢僧慣鬥茶
酒膽詩腸扶瘦骨
風聲雲影足生涯
歌成忽動歸農興
荷笠鋤荒舊作家

秋思

秋到塵寰萬壑空
一簾清氣下梧桐
西風倦眼逢飛葉
落日歸心向斷鴻
把酒月中愁聽角
懷人江上惜飄蓬
比來聞得長安使
邊徼塵清歲事豐

金谿道中

此日輕車度遠山
飛塵不到水雲關
居然草色迎人綠

明

金華詩錄 卷三十四

四

何處花陰著雨斑
老我愁中長作客
幾人江上未知還
門前五柳誰家宅
彭澤風流不可攀

坐費家滄浪亭

尋春坐雨向滄浪
亭外花陰遠過牆
對酒湖光時汎碧
長歌梅樹暗生香
名園共結耆英社
相國會畱畫錦堂
一嘯忽忘身世隔
并州何處不吾鄉

春日訪洪巖

每歎春山入未深
葛衫籐杖此追尋
巖垂點滴晴還雨
洞卷虛空晝亦陰
鑿破天關原有路
坐來世事已無心
忘言靜對春風裏
不待鍾期始鼓琴

梧下軒

二十年前學種梧歸來梧下白頭顱酒柸終日成狂客
木榻長眠便老夫半畝清陰團碧落一簾明月浸平蕪
風聲荻影隨流水不讓蕭條在五湖

園居 錄四首

一灣流水五松雲長與先生管筆門竹葉桐花清自別
吟風弄月道長尊流連光景新詩卷放眼乾坤舊瓦盆
贏得邊關烽燧息剩將歡樂答君恩

閉戶蕭蕭嬾讀書曲肱窗下意何如心空一事原無著
稻熟三倉覺有餘平圃逍遙吟刻竹方池蕩漾坐觀魚

明

金華詩錄 卷三十四

五

晨風夜月春長好無用兒孫問起居

籐牀偃臥枕書時萬念冰融無所思夜月欲來池水白

東風初起野梅知有時調鶴呼童子鎮日揮毫學古詩

閒挂一瓢長自在不將迂濶受人嗤

白盡鬚眉不計年枕松倚石只高眠小隄楊柳風聲軟

高館梧桐月影圓從此挈瓶藏世界坐來讀易老林泉

堯時不洗巢由耳出處何心聽自然

方伯詩七律居多亦最穩觸手稱心得大自在數章

而外如天空忽見飛雲影意遠時聞出谷聲雲山十里青雙眼煙雨三江白一燈
傳句每於看竹後懷人定在月明時高懷五夜蘆花月歸思三秋蘋葉風風前飯

攢橫吹笛雨後臨流亂採蘋萬事飄飄青竹杖一生瀟灑白雲關滿院鶯花蝴蝶
夢隔江雲水鷓鴣聲酒杯詩卷空湖海蘿月松風自管弦風軟鳥聲過竹細雨沙

苔色上階清牧童飯飽身眠背桑女蠶纈髻插花到處
斷碑暮鳥篆隨緣僧榻戀鷓鴣居意境俱佳琅琅可誦

舟行錄四

江邊春色來小舟去如注前面好青山舟人不肯住
兩岸生輕風篙轉隨水落舉頭望白雲天空一隻鶴
囊有焦桐琴手拙不能理偶懷陶徵君白鷗忽飛起
日暖風已定袖中出小扇捲篷水面坐白雲飛一片
春日尋山
翦翦和風曉日低尋春直過板橋西一溪流水千山綠
付與幽禽著意啼

趙時齊

時齊字子異蘭谿人嘉靖三十五年登進士第

金華詩錄 卷三十四

明

授行人擢御史歷福建屯田僉事以忤上官當
左遷解組歸杜門著書有綱鑑統宗百數卷

福山遠眺

憑高萬仞見江山吳越紆迴入望間獨坐虛亭漫懷古
詩成將欲抱琴還 此詩便有歸志

胡僖

僖字伯安蘭谿人少精於醫既而業儒嘉靖三

十八年登進士第授刑部主事轉禮部郎出為

湖廣叅議歷雲南副使尚德弛刑滾山窺谷中

聞胡使君名輒呼佛子以忤權要歸性至孝母

鄭氏歿於官塘東每往來哀慕不禁因建橋以

志意至今名其地爲思親橋云

按志稱調儀制即會有陝諸王襲封次子欲得

郡王封儀以制不合持不可王子以數萬金賄大瑞互相扇誘儀勿爲動權璫乃授意吏部出爲湖廣叅議考之明史肅王駐平涼是諸王之在陝西者也嘉靖四十二年肅懷王薨無子靖王第四子弼柿子輔國將軍縉熿以屬近立嗣禮官言縉熿懷王從父不安縉詔以本職理府事則所謂欲得郡王封持不可者或卽此事穆宗卽位上言請封下部議准以郡王理藩政帝不許此時伯安想已去部而權璫王之也

白雲洞

白雲偏與洞相宜此洞停雲我所思石磴閒哦塵不到
柴關半掩鶴歸遲琴衣每溼晨蒸重山屐多迷晚靄岐
爲問仙郎雲臥處可能掃得淨無遺

樓如山

金華詩錄 卷二十四

七

如山字公安東陽人嘉靖三十八年登進士第
授嘉定令能得民心以事件執政意告歸遷大
理評事不赴職與詩一元趙祖烏同講學于八
華山有青陽漫稿

過崑山夜行

午夜沉沉月轉橫銀河清淺照人明沙眠宿鷺寒無影
草住鳴蛩劇有聲林樹蒼茫雲幕嶺樓臺隱約水連城
狂歌未盡孤蓬興那得乘槎犯斗行

宋故宮

鳳舞龍飛舊帝城樓臺寂寂曉煙橫西湖水落荷花老

葛嶺堂空蟋蟀鳴白雁北來終有信翠華南去恨難名
江潮聲撼錢隄外不爲鴟夷氣未平

題古木棲鴉畫

涼月流蒼藹空林正暮天亂鴉驚復起點碎樹頭煙

徐用檢

用檢字克賢蘭谿人嘉靖四十一年登進士第
除刑部主事歷太常卿予告歸通籍二十餘年

經涉內外足跡半天下清白之操始終如一小

窗誦讀蕭然如韋布有魯源集

魯源與兄益齋同邑姚鐸舒襄襄包容大吳德

恬讀書會文于聖羅山凡所著述能自成家無所依傍毘陵唐鶴徵贈之詩云文開正始袪衰習學啓真源攝異趨蓋所以屬之者大也有蔘

明

金華詩錄

卷三十四

八

蘭新安紀會友聲編己亥一錄五經辨疑劔虔錄三儒類要諸書皆失傳金華詩粹蘭皇風雅僅載姓氏無詩今從臣志得詩錄存三首

秋日遊佛山

步入峻嶒境悠然愜賞心水從分處合蘭與谷俱陰綉
佩遲騷客歌詩韻古琴閒雲高不去相對靜披襟

唐太學招遊棲真禪院

黃花夾路鳥嚶鳴空谷迢遙逐晚晴月上梧桐禪室靜
雲浮蘭若客心清情閒好共尋幽趣老去還宜聽梵聲
他日重遊雖有約別時終遣夢魂縈

清明日經石阜

老柏垂簾靜結廬清明時節戒巾車春風回首增惆悵

記得傳經總角初 原注用檢年十一授書于石卓領張師一襲

王乾章

乾章字順卿東陽人坡姪嘉靖四十一年登進

士第授中書舍人轉御史歷雲南布政叅議歸

有浪遊集

胡元瑞王公墓誌略云公母娠公就蓆夢神人儀觀偉甚鼓吹騎從而趨堂皇誕公狀維肖既中神類秀發九

歲能屬文第進士授中書轉御史巡視蘆溝橋時貂璫用事多不法宛平令強直中以非辜御史顏公鯨抗疏極論奪官上怒甚無敢救者公獨疏繼之請沃羣閣以肅城社還臺諫以作敢言旌縣令以彰奉職奪俸三月以鹽政按山東長蘆時例服夾帶不以時掣稍稍踰額輒罪之賈疑畏不前公晨至夕疏尋停罷實稱便公竟在不自曉一錢遷四川按察僉事時蔡亂初平又播州酉陽地犬牙錯其間號難治上特賜璽書兼兵備入境身先條屬訟獄勞平日理委書數十以為常一日登城四顧曰襟帶二江盤踞巖壁稱天險今彌望顏垣敗壞險安在即由贖緩籌築萬歷改元陳河南按察僉事巡陽陽四關月遷江西布政司叅議分部九江都昌劇盜何鳳等盤踞湖上吏督兵往捕鼠竄洪濤中稍

明

金華詩錄 卷三十四

九

解嚴徒黨四出羣不逞揭竿助之殺倭屯卒不可數計公曰古用兵鐵厥渠魁今欲一切蕪穢之安人自為門卒不可破因下令搗遠詠止二凶諸脇從渠罔治旬日間案自縛十之九因趣兵後獲之速明兩大酋首畢致麾下壓廣東按察司副使未行坐建鄴失印鑑一官先是建昌郡王酒於酒一醒輒旬日盜即臥內攘之郡邑秘其事日潛索民間公時兼攝吉安不聞知盜就捕建康踪跡始大暴上震怒諸案蔽者悉嚴譴公以分部抵罰同僚愕然請入自明公竟拂袖歸既銜曹廉知江石狀起公福建按察司僉事駐福寧州時劇盜林道乾郭東山勾引倭夷猖獗甚而福寧實汀潮門戶舊設守備鎮海島島岸僅卷石寇至未及舉烽已蟻傅城下公率屬抵海上遙見一山起巨浪中距州僅四十里許李舟登之剌紆而中豐於海無所不且攝公以杖擊地曰此天聖非耶因狀聞兩臺報可竟公於每氣無所不治攝公以杖擊地曰此墳地幾十丈溺者數萬人公出帑金殮其骸大發倉粟賑流疫為文弔其禍讀者以方李華古戰場刑部卿洪某件權相放歸密旨以大獄寄公公知洪狂甲啓營救當事切望之秋試入為總裁官御史命試題公越眾請口題誠美然傳播道路稔矣御史不怡題中易是月擢叅議雲南布政司癸未春大計考功卒從不及論以二憾故也抵故鄉謝客獨寒士投刺匆遽中亦倒屣迎之邑人斯惟武李允達數過從揚榷為文章援筆立就不加點尤工詩嘗題壁毛陽署王次公行部九江黃漁燈燦楚竹人語漸吳樛之句顧同寅郭公孝口咄咄逼人優游林下者一

送嚴令蒲陽北上

黃麻春曉下彤墀
分手山城月易欹
共仰光輝同列宿
因看水薤得明師
沈侯自適吟中趣
何武今貽去後思
縹緲雙鳧飛自遠
東人好誦岷山碑

舟行

風生桂棹輕顧盼
不知處一帶水痕香
蓮舟從此去

京邸

綺閣瓊樓大道邊
少年走馬鐵連錢
碧衫紅袖相宜好

閉戶先生自草玄

明

金華詩錄

卷三十四

十

蚤朝

九陌風清月影收
客亭雙闕曙光流
誰知幾載滄浪客
也聽鐘聲出鳳樓

李學道

學道字汝致東陽人父思明任俠雄里閭生學

道以獨子不欲苦之業儒曰能守吾故武足矣

乃自匿從師讀書為諸生有文名同舍皆束贄

請教父知之曰此子非吾所能量也嘉靖四十

一年登進士第授丹陽令摘奸發伏闔境稱神

明入為御史巡中城有內官挾刃入民家掠財

物捕治之爲諸闇所惡伺罷朝出右掖羣殿辱
之御史大夫以下俱上疏論奏逮首惡者戍邊
而學道亦外出爲廬州司理擢南兵部主事歷
青州守居官廉介得少俸寄父故恢廓大度
不能副其意遭誚責嘿不敢辨也有青霞館詩

稿 皇明法傳錄內史許義挾刀嚇財巡城御史李學道執而笞之羣璫
憤趨司禮所聚議於是日朝罷率黨微御史於午門外毆辱之御
史王廷以身翼之乃免一時朝臣洵洵交章糾璫徐階迫於公論乃言
於司禮尙文曰吾非爲御史惜爲國家大體惜且爲司禮惜文怪問階
曰天子臨御之所羣而毆人能保上之怒乎請公何不以時詞其人
速奏之即外廷有繼者其璽置在諸公手上必不怒諸公體故在也文
以吾其長膝祥悉得其主名察之都察院疏繼上羣璫不能匿悉就逮
杖其首惡三人百發邊戍餘九人各杖六十爲南京淨軍學道外調士
論深惜學道初令丹陽旣知青州陞雁門關兵備卒於官是夕夢泰山
迎爲王者遂沐浴北面稽首而逝士民想其德至今祀視之 王弁洲

金華詩錄 卷三十四

十一

明

李君墓誌略云嘉隆間有公清亮直之臣曰李學道長七尺餘鐵面胡
髯動止凝重見者爲之肅然再拜官有與君執故熟丹陽事者謂邑有
羨可密納得之不然更且私君笑曰有是哉至則悉籍而歸之官又佯
爲不省察者每按視輒左右顧下皆見之一日隸有醉而與民鬥者君
奮豎抵几曰若某日以某事欺我我覺耶亟付獄考竟而悉考吏之
爲欺者闔境稱神明又念其民好逐未賦或不自田戍匿不悉賦乃
御符兜子從三老稽覈賦與田足當矣江南歲比饑盜賊崛起臺得其
魁名在君部下君捕之君曰不可眾衆則洩乃呼所養衛士八人給以
十驛分道至魁所伏覘其動靜得聞而後行之魁方與其徒酣飲至醉
各散去乃擁婦女屏間寢八人者噪而入縛之置驛上至君所其黨追
救無及矣以父憂歸餘俸纔五十金不能具喪事則開里塾授徒自給
拜御史按視中城涓刀入民家君捕笞之諸倡思甘非朝罷逃去之因
以心憾會有許義挾刃入民家君捕笞之諸倡思甘非朝罷逃去之因
捶捕之御史大夫上疏論諸涓逮杖猶調君郡職以兩解無何擢南兵
部主事進郎中曹事簡與許太常毅吳太史中行張太學獻翼結社相
倡和知順德府末上以喪歸服除補山東青州取濬獄積十餘年者一
讞而決黜吏大豪惕息屏跡當國者議開膠河河經青者徐司至以屬
君君持不可曰河皆沙石又海潮激泥侵之功必不易成亦易塞後
卒如君言胸博之民苦旱流徙君移臺請賑其詞危以是滋不憚君自
若也常登泰山觀日出題詩刻石飄飄然有遺世志會入覲歸而婦杜

夫人已不起自是邑不樂感疾以卒有經濟大略當補青州時追武
林撫臣某器君退著八策以報大意欲禁馬市停浙募兵及其他皆鑿
鑿可行者撫臣稱善然不能用爲文始好廬陵翁山晚乃好西京詩好
杜陵而皆未究厥止也自奉儉薄有所施與傾囊不吝在丹陽常雪一
窰獄之就死者其人伺君離邑以百金爲壽君曰吾知
有窰獄不知爲若若無污我立謝卻之其廉潔若此

征夫曲

啓行日杲杲中途雨如注愚夫昧先機晴時忽雨具沾
濡透短衫底蔭無列樹芒屨淅沒泥蹣躑不能去惆悵
盼前途山城渺何處

發舟

扁舟下蘭江江水何泚泚余家激溪濱溪流亦經此已
別故鄉人重逢故鄉水搖搖彩鷁飛東風疾於駛轉盼

明

金華詩錄

卷三十四

十一

芙蓉峯渺在層雲裏東山况復東迢迢三百里縱使無
纖雲極目那能指薄暮且停橈言采江岸芷采芷欲何
爲寄與江中鯉

反昭君怨

明妃特有傾城色不賂畫工空自惜蛾眉翠黛日含情
昭陽從此浮雲隔遣嫁單于出漢宮馬前颯颯鳴寒風
爲抱琵琶訴哀怨怨聲有盡心無窮吁嗟乎漢宮美人
亦無數買笑爭憐學歌舞縱然恩寵傾六宮珠鈿繡幙
俱塵土獨有明妃傳至今騷人感詠詩成譜當時不遇
毛延壽安得芳名播千古

蹶馬行

羣馬並驅過林麓晴途鼓鬣紛馳逐日中大兩岸傾欹
相顧驚嘶斂四足一馬奮躍獨爭先雙蹠倒落山谿曲
僕夫扶立還詎噉憤氣填胸泥滿腹餘馬見之各傍徨
側身緩步危厓傍須臾脫險入平阪揚鞭騰達成稱良
安危利鈍易翻變吁嗟前馬後之鑿此馬崛強肯向前
期爾勇往清狼煙

泰山高

時登泰山
志筆成之

泰山之高高插天天邊簇擁雙青蓮千盤萬折不可到
懸崖曲磴相鈎連我跨蒼螭鞭赤電叱開石壁升其顛

明

金華詩錄

卷二十四

三

天門虎豹驚且吼雲師風伯亦駭走一嘯塵霧空日月
出吾肘下睇齊魯俱茫然但見羣峯疊嶂錯落郊原散
星斗瑤宮寶殿參差開隱隱仙樂空中來青皇玉女環
佩聯翩下霄漢驂鸞駕鳳遊蓬萊蓬萊相去只咫尺東
海微茫眼中碧振衣獨上日觀峯萬里扶桑光赫施吁
嗟乎一自開闢有此山天柱立地維蟠突兀宇宙真奇
觀嵩恆華霍各分處直指西北知長安長安紫氣團如
蓋泰山滄海共襟帶四方萬國盡來庭王者輿圖浩無
外不須學秦皇樹此百尺碑不須學漢武高築登封臺
但願皇祚無窮萬萬載浮雲掃盡無纖埃長使嵐光照

九垓

遊臥佛寺

綠陰迷野逕寂靜得禪關佛臥何時起吾分半榻閒枕
邊虛白石簷外自青山蚤破浮生夢居然出世間

鵝羣閣詠秋水

得虛字

芳池環翠閣秋老荻花疎漠漠半空碧溶溶一鑑虛日
翻鵝浴處雲破雁來初爲愛波光淨扁舟信所如

富陽舟中

南來鄉思切孤棹趁潮歸浪涌雲無影帆輕岸若飛過
簾青嶼轉傍檻白鷗依自在輪漁父斜陽倚釣磯

明

金華詩錄

卷三十四

十四

秋思

半窗疎雨碧梧涼無那清秋客思狂淮水正連鷗鷺白
鍾山如伴髣毛蒼美人相隔幾千里新雁乍來三兩行
欲向西風問消息重雲漠漠暗江鄉

首夏湖隄

郭外薰風散旅愁湖光山色共悠悠層荷拔水綠於染
老檜蔭隄青欲流孤興不妨隨匹馬野情真可侶羣鷗
雙眸不著風塵色閒看江雲度石頭

過雲陽舊治

重過雲陽泊旅舟炊煙飛散雨痕收黎元自合歌新政

故老猶能話舊遊，一笑春風花滿縣。十年塵夢雪盈頭，相逢意氣無今昔。共對清觴盡日留。

杜華南使君邀飲甘露寺

北固重登今十載，巖花含笑似相親。空林倚杖無塵事，斜日開尊有主人。漠漠水雲雙寺渺，霏霏煙柳一江春。鍾山只在凭闌外，嵐氣成霞入望頻。

冒雪東行

策馬東郊雲四圍，風飄玉絮灑春衣。誰家茅店午還閉，無數林鴉寒不飛。故國梨花空有夢，灞橋詩興未全違。遙看簑笠沿溪去，知有漁翁沽酒歸。

明

金華詩錄 卷二十四

五

觀潮

孤吟海畔一樽閒，眼底塵空失醉顏。浩蕩祇因歸萬派，蒼茫何處問三山。乾坤變幻浮雲裏，今古升沉濁浪間。日暮風聲作雷吼，蛟龍無數逐潮還。

遊燕子磯

移舟共賞菊花天，蘆荻洲前萬井煙。雨色空濛風不定，隔汀閒著釣魚船。

王三錫

三錫字君寵，金華人文憲裔。嘉靖四十四年登

進士第，官節推歷刑部郎中。

詩粹傳略終
常州知府

遊三洞

天開大竇不曾封，卻縱遊人入半空。向壁石來嵩少室，乘槎人過水晶宮。懸巖細摘龍珠碎，曲逕斜穿鳥道通。曠宕元虛無一障，神遊疑在帝鄉中。

杜維熙

維熙字子光東陽人。聞末康虛可久講學。宗緒廢書默體，忽然有會，遂受業門下。時年十七，可久學于王守仁，聚講五峯石室。維熙從之遊，以復性為宗旨，以克欲為實際。歷履六七年，一旦洞然，遂創法界會，以接四方學者。有悔言集。

明

金華詩錄

卷三十四

六

錄自序略云：嘉靖丁酉年十七，聞盧子松翁講學末康，遂廢書實體，至忘寢食，獲遊門下。四載不離盧門，既遠此志，漸移平生，故習不覺暗滋。潛長而沒溺于功利辭章之習者幾二十載，靜思躬悼，自咎自責。昔年之功，徒知靜養而不能克欲也。惟冀時復往來不吝教益，庶幾尋向上去而廢于半途者，蓋之了脫。初矣。因日錄其所至，以自名其薄曰悔言。按末康虛可久字德卿，嘉靖初聞陽明子講學，姚江往受業焉。退歸一松山房，恍然覺有浮翳，靜掃皎日中天之象，已而更相察證，所造益密。遂約同志，聚講五峯石室。春秋二會，環而聽者嘗百餘人。其論學云：不落階級，不涉有無。又云：原無所存，更有何亡。原無所得，更有何失。賦靜坐詩云：習靜爭知真靜難，也無動靜也無端。由來一樣春風好，不用窗前草色看。蓋不免由良知而人于禪淨也。因錄見山之詩，附及之。蕭山毛西河序悔言錄云：生平得力惟主靜。主靜，直本濂溪而持要旨。則以良知為本體，致良知為工夫，與陽明當日天泉授受者正相表裏。是見山亦不忘其鄉先生之餘緒，而欲通姚江之郵。當日姚江之聖盛行，而發別學者，遂于四先生之後，別開途徑，往往然也。

天開大良知

匣中古劍別媼妍，堂上銀鐙透幕簾。萬丈深潭清徹底。

一輪明月耀中天

自信

道體危微屬此身危時平穩易時傾須知危處皆天運

著些人爲便隔塵

見山詩皆自寫其證悟及用功非以詩爲詩也今錄二首于前可知其證悟所得于後可知其用功究竟亦足以知其

槃矣

諸葛鯨

鯨字騰甫

蘭皇風雅作君騰

蘭谿人嘉靖間客蜀因寄西

陽宣撫司籍爲諸生貢入太學未仕卒有漫遊

雜稿黔中集問華子集

騰甫詩工於言情當得力於六朝樂府寄籍蜀中假蹇以老蘭皇風

雅出自同里不能詳其爲人可惜也明詩綜選渝城人日簡字給事一詩云襄陽人又注云一云蘭谿人

金華詩錄

卷三十四

七

楊叛兒

送郎出白門出門拘楊柳願爲郎馬鞭時時縮郎手千

山不斷路萬山不斷舟路不通儂走舟不載儂愁儂思

潮有信移居到海關凝粧送潮去解帶見潮還

合歡曲

雙燕舞花邨雙鶯啼杏園同隊自有偶不獨交頸鴛但

願妾與君譬如影隨形君立妾亦立君行妾亦行有香

不必燒有環不必沉莫縮同心結莫寄白頭吟

紫驢馬

賤妾侍姑方下堂雕鞍玉鐙駐迴廊妾見不知誰家郎

郎見不知誰家孃相逢彼此成參商君不見十六從軍
六十歸那知家中剩有誰

七夕歌

迢迢銀漢揚素波織女獨處織錦梭相逢莫恨別離多
不駕鵲橋可奈何

渝城人日簡亭給事

訪舊來何晚輕帆落驛亭江迴劍外白山繞漢中青萬
里逢人日孤城感客星知君懷諫草翹首望明庭

與祝九山主政坐話

羣君完舊約庭草更蕭蕭話起城頭月坐平江上潮須

明

金華詩錄

卷三十四

六

防司馬渴莫惹子雲嘲試看風塵裏蒼茫過六朝

閨情

一夜空林月隨風何處去君過武陵源妾倚梅花樹

晚過會溪

風霜壯銅柱萬古伏波軍落日長歌去千山起暮雲

清夜吟寄魏江邨別駕

銀漢無聲夜正闌星河搖落五雲端一聲戍角城頭起

明月半樓人倚欄

山莊卽事

春樹縱橫倚碧紗清溪流出幾人家自嫌睡起渾無事

且向空庭掃落花

諸葛淵

淵字濬之鯨族嘉靖間以貢官四川順慶府訓

春日登山

九十春逾半催花第幾風草迎當戶綠杏出隔牆紅對
酒懷偏壯登山氣自雄醉來一長嘯雲散碧天空

灌園

晴日窺三徑春風滿布袍煙和常滂草霞暖欲開桃食
力空爲圃忘機不用種何妨侶燕雀高隱在蓬蒿

明

金華詩錄卷二十四

九

秋日

白露清風時候黃花紅葉家居此際如何是樂持螯把

酒看書

諸葛淵山猿自然領來一

弼字夢良鯨族風草暖當

曉出雷都渡江

禁城高百尺月照白如霜雞唱關初啓烏啼夜未央霧

連江影澗鐘應谷聲長擾擾紅塵客潮來競渡忙

諸葛佐明

佐明字子文鯨族

夢良子文皆嘉靖間諸生能詩子文仿樂
天何處難忘酒體作何處更堪詩如試墨

書蕉葉煎茶折竹枝菊香陶令酒尊長季
鷹絲方池流蘊玉疎柳雨垂絲皆稱好句

山園

竹逕通松逕泉聲雜鳥聲山僧對山叟同坐許同聽

明 金華詩錄卷三十四

金華詩錄

卷三十四

三

10807

